



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr.1506, datë 10.02.2011

Për

“Miratimin e metodologjive të rregullimit për orientimin në kosto të tarifave të terminimit dhe origjinimit të thirrjeve në rrjetin publik telefonik të lëvizshëm të sipërmarrësit Albanian Mobile Communications sh.a”

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Znj. Alketa	Mukavelati	Anëtar
3. Z. Benon	Paloka	Anëtar
4. Z. Ibsen	Elezi	Anëtar
5. Znj. Zamira	Nurçe	Anëtar

dhe sekretare Znj.Marsida Drushku, në mbledhjen e datës 10.02.2011, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike” dhe Rregullores së Brendshme të AKEP-it, shqyrtoi çështjen me objekt:

“Miratimin e metodologjive të rregullimit për orientimin në kosto të tarifave të terminimit dhe origjinimit të thirrjeve në rrjetin publik telefonik të lëvizshëm të sipërmarrësit Albanian Mobile Communications sh.a”

Dokumentacioni i Grupit të Punës të ngritur me Urdhërin e Brendshëm nr. 639, datë 15.11.2010, përbëhet nga:

- Projekt vendimi;
- Relacioni Shoqërues i projekt vendimit;

BAZA LIGJORE:

1. Neni 8, neni 53, 55, 56, 57, 58 dhe 59 i ligjit nr. 9918, datë 19. 05. 2008 “Për Komunikimet Elektronike në Republikën e Shqipërisë” (*ligji nr. 9918*);
2. Pika 17 e nenit 21 të “Rregullores së Brendëshme të AKEP (*Rregullorja e Brendshme*), miratuar me Vendim të Këshillit Drejtues të ERT-së, Nr. 170, datë 24.04. 2004, e ndryshuar dhe në fuqi sipas pikës 3 të nenit 138 të ligjit nr. 9918.
3. Vendimi i Këshillit Drejtues të AKEP Nr.1210, datë 31.03.2010, i ndryshuar.
4. Vendimi i Këshillit Drejtues të AKEP nr.1505, datë 10.02.2011 “Miratimin e Dokumentacionit Final: Orientimi në kosto i tarifave të shërbimeve të operatorëve celularë me FNT”

K Ë SH I L L I D R E J T U E S:

Nga shqyrtimi i materialit shkresor, të përbërë nga:

1. Projektvendim i KD të AKEP “Miratimin e metodologjive të rregullimit për orientimin në kosto të tarifave të terminimit dhe origjinimit të thirrjeve në rrjetin publik telefonik të lëvizshëm të sipërmarrësit AMC sh.a”
2. Relacioni shpjegues mbi projektvendimin (*Relacioni*), si dhe,
3. Vendimi i Këshillit Drejtues të AKEP nr.1505, datë 10.02.2011 “Miratimin e Dokumentacionit Final: Orientimi në kosto i tarifave të shërbimeve të operatorëve celularë me FNT” së bashku me dokumentacionin shoqëruar të këtij Vendimi.
4. Nga diskutimet në mbledhje mbi çështjen, dhe bazës ligjore të sipërcituar.

V Ë R E N:

1. Bazuar në VKD nr. 1210, datë 31.3.2010, të AKEP “Për përcaktimin e sipërmarrësit AMC sh.a. me Fuqi të Ndjeshme në Treg dhe vendosjen e masave rregulluese”, i ndryshuar, dhe në rezultatet finale të modelit BULRAIC të kostove të telefonisë së lëvizshme, AKEP më 29.12.2010-29.01.2010, kreu këshillim publik të dokumentit: Orientimi në kosto i tarifave të shërbimeve të operatorëve celularë me FNT.
2. Proçesi i këshillimit publik përfshinte midis të tjerave këshillimin për orientimin në kosto të tarifave të shërbimeve me shumicë të terminimit dhe të origjinimit të thirrjeve në rrjetin celular AMC, për të cilat AMC është shpallur me FNT me vendimin nr.1210, datë 31.03.2010, i ndryshuar, dhe për të cilat është vendosur detyrimi për orientim në kosto të tarifave të ofrimit të tyre.
3. AMC sh.a. nëpërmjet shkresës Nr.Prot.3582/10, datë 28.01.2011, ka dhënë komente për dokumentin e nxjerrë në konsultim publik.

4. Me vendimin nr.1505, datë 10.02.2011, AKEP miratoi dokumentin final për *Orientimin në kosto i tarifave të shërbimeve të operatorëve celularë me FNT*, si dhe qëndrimet ndaj komenteve të palëve të interesuara, përfshirë komentet e AMC.
5. Niveli i tarifave të terminimit të thirrjeve dhe origjinimit të thirrjeve në rrjetin AMC, të përcaktuar në dokumentin *Orientimi në kosto i tarifave të shërbimeve të operatorëve celularë me FNT-Dokumenti Final*, i miratuar me VKD nr.1505, datë 10.02.2011:
 - a. Bazohet në rezultatet e modelit BU- LRAIC (Bottom- Up Long Run Average Incremental Cost) për përcaktimin e kostove të ofrimit eficient të shërbimeve të operatorëve të telefonisë së lëvizëshme që operojnë në një treg konkurrues në Shqipëri, të realizuar nga kompania konsulente ndërkombëtare ICC.
 - b. Përbëjnë një implementim të detyrimit të orientimit në kosto të ofrimit eficient sipas përcaktimeve të ligjit nr. 9918.
 - c. Përbëjnë reduktim të përshkallëzuar të tarifave të AMC deri në nivelin e koston së ofrimit eficient të tyre sipas rezultateve të modelit të kostove BULRAIC, duke realizuar në të njëjtën kohe konvergjencën e tarifave të terminimit në rrjetet e katër operatorëve celularë aktivë në Shqipëri, dhe është në përputhje me rekomandimet e Komisionit Europian dhe praktikat më të mira rregullatore për orientimin në kosto të tarifave të shërbimeve të operatorëve me FNT;
 - d. Lejon sipërmarrësin të marrë një normë të arsyeshme fitimi për investimin e kryer dhe nivelin e riskut për shërbimet me shumicë të terminimit dhe origjinimit të thirrjeve, dhe përmban një afat kohor të arsyeshëm (reduktim i përshkallëzuar) për orientimin në kosto të tarifave;
6. Implementimi i detyrimit të orientimit në kosto të tarifave me shumicë të terminimit dhe origjinimit të thirrjeve për AMC, dhe për lojtarët e tjerë në treg sipas detyrimeve respektive, i shërben realizimit të objektivave rregullatore të nenit 7 të ligjit nr. 9918, për nxitjen e konkurrencës eficiente midis lojtarëve në treg dhe rritjen e përfitimeve të përdoruesve fundorë nga përdorimi i shërbimeve të komunikimeve elektronike.

P Ë R K Ë T O A R S Y E:

Duke marrë në konsideratë rëndësinë e miratimit të këtij dokumenti për konkurrencën në treg, sipërmarrësin dhe realizimin e objektivave rregullatore, bazuar në pikën 1 të nenit 114, dhe pikën 1 të nenit 115 të ligjit nr. 9918, si dhe pika 17, neni 21 të Rregullores së Brendëshme të AKEP, e ndryshuar,

V E N D O S:

1. Të miratojë metodologjinë e rregullimit të tarifave të terminimit dhe origjinimit të thirrjeve në rrjetin publik telefonik të lëvizshëm të sipërmarrësit Albanian Mobile Communications sh.a., për orientimin në koston e ofrimit eficient të këtyre shërbimeve sipas përcaktimeve në dokumentin bashkëngjitur këtij vendimi në Aneks nr.1: *Metodologji e rregullimit të tarifave të terminimit dhe origjinimit të thirrjeve në rrjetin publik telefonik të lëvizshëm të sipërmarrësit Albanian Mobile Communications sh.a.*
2. Ky vendim të publikohet në faqen e internetit www.akep.al.
3. AMC sh.a dhe palët e interesuara kanë të drejtë të bëjnë ankim administrativ për këtë vendim brenda 30 ditëve nga marrja e këtij vendimi.

Ky vendim hyn në fuqi në datën e miratimit të tij.

K R Y E T A R I

Piro XHIXHO

ANËTARET E KËSHILLIT DREJTUES:

1. **Alketa MUKAVELATI**
2. **Benon PALOKA**
3. **Ibsen ELEZI**
4. **Zamira NURÇE**

ANEKS 1:

METODOLOGJI E RREGULLIMIT TË TARIFAVE TË TERMINIMIT DHE ORIGJINIMIT TË THIRRJEVE NË RRJETIN PUBLIK TELEFONIK TË LËVIZSHËM TË SIPËRMARRËSIT ALBANIAN MOBILE COMMUNICATIONS SH.A.

1. Objekt i rregullimit të kësaj metodologjie janë tarifat e terminimit dhe origjinimit të thirrjeve në rrjetin publik telefonik të lëvizshëm të AMC:
2. Metoda e rregullimit të tarifave të terminimit dhe origjinimit të thirrjeve është përcaktimi i nivelit maksimal, në secilën periudhë rregullimi, sipas pikës 1/a të nenit 57 të Ligjit 9918.
3. Vlerat maksimale të tarifës së terminimit të thirrjeve në rrjetin publik telefonik të lëvizshëm të AMC, për t'u aplikuar nga AMC sh.a sipas periudhave përkatëse paraqiten në Tabelën nr.1 më poshtë:

Tabela 1: Vlerat maksimale të tarifës së terminimit në rrjetin AMC (lek/minutë)

	1.03.2011- 31.08.2011	1.09.2011- 31.08.2012	1.09.2012- 31.08.2013	1.09.2013-
Tarifa maksimale	8.85	7.57	6.10	4.57

Shënim: TVSH nuk është përfshirë.

4. Vlerat maksimale të tarifës së origjinimit të thirrjeve në rrjetin publik telefonik të lëvizshëm të AMC, për t'u aplikuar nga AMC sh.a sipas periudhave përkatëse paraqiten në Tabelën nr.2 më poshtë:

Tabela nr.2: Vlerat maksimale të tarifës së origjinimit të thirrjeve në rrjetin AMC (lek/minutë)

	1.03.2011- 31.08.2011	1.09.2011- 31.08.2012	1.09.2012- 31.08.2013	1.09.2013-
Tarifa maksimale	8.85	7.57	6.10	4.51

Shënim: TVSH nuk është përfshirë.

5. Niveli i tarifave të mësipërme për shërbimet e terminimit dhe origjinimit të thirrjeve është i aplikueshëm për shërbimet për të cilat AMC ka status me FNT dhe që ka detyrim për orientim në kosto sipas përcaktimeve të VKD nr.1210, datë 31.03.2010, i ndryshuar, apo vendimeve të tjera që mund të merren për këtë status dhe detyrimeve për FNT sipas përcaktimeve të nenit 34 të ligjit 9918, Përcaktimet e nenit 34 të ligjit nr. 9918 do të aplikohen edhe në rastet e ndryshimit të detyrimeve apo revokimit të statusit me FNT dhe detyrimeve për këtë status